

# *KUSINA MASHELEŊI*

## *KAMBA KUSINA TEKŊO*



Kaniti ki lithonolo ku kutela kwa tabernakele, kakusasana cwana. Ni sweli fela kukomoka . . . Muzwale Neville ubulezi kuli babañata ne ba sa utwi kwa mulaho. Kana mwa ni utwa hande, kwa mulaho kafoo cwale? Kana ku lukile? Ku lukile. Ni—Ni yomukuswani, kona kuli Ni lukela kutaza lilata hahulu kuli batu bazibe kuli Ni teni.

<sup>2</sup> Kacwalo, Na hupula nako yeñwi ha Ne ni sa belekanga kwa Public Utilities. Hane ni taha ni pahama . . . Mi Ne ni tinanga bikatulo byebituna, ni limapo kwatasi, hanizwa kwa kuzamaya ku za mihala ya malaiti. Mi Ne ni pahama fa mahatelo. Mi musala Bo. Ehalt, yali mulikana ka, nali fo ku timelwa malaiti. Na sepa Bo. Ginther foo ba kona ku mu hupula, handende. Kacwalo Edith ali, “Billy, utaza hahulu lilata, kakuba yomukuswani yahulu cwalo, yo Ni kile nabona fateni.” Inge usweli kulizaka bikatulo bye bya limapo, haunzo taha cwalo.

<sup>3</sup> Na li, “Kihande, Edith, Na ni yomunyinyani luli, Ni swanela kuzibisa mañi ni mañi kuli Ni teni, kueza lilata leliñata.”

<sup>4</sup> Kihande, Na kena fela mwahali ku yo liza. Muzwale Neville na ni bulelezi kuli mulikana aluna yomunde, Muzwale Roy Roberson, kwahule ni sebelezo ya kakusasana cwana, bakeñisa ku ba mukuli. Yena . . . Na na ni liino la ku comeka feela. Li mutiselize kukula, ni ku mufa kucisa mubili ka fibe. Mi una ni ku yo li kumulisa, Na sepa, kapili fela. Mi Roy ubile sina ndate ku luna mo, mi lwa mu lata. Mi se Nili, “Muzwale Roy, Na—Ni ka kena cwale, ka mizuzu nyana fela, kwa sebelezo.” Na li, “Ni ka kupa keleke kuli lu ku lapelele kwateni, kakusasana cwana,” mi kamuso ha ka yofita kwani, kuli ba yo mu kumula lona. Liino lateni ne li hulile bumaswe, kamba nto yeñwi, ne li comekilwe ka mafosisa, mi ba lukela ku li sehulula kwateni, ni ku li kumula.

<sup>5</sup> Muzwale Roy ki ndambo, sina mo zibela mina kaufela, kuzwa mwa nako ya Ndwa ya Lifasi, na kunupilwe mwa liemba emba. Mi kambe ne si ka bunde bwa Mulimu, nasike akona kupila. Na lobalizwe fande mwahala bafu, fa nako yetelele; mazoho a hae na kunupilwe fa, ni mahutu na kunupilwe, mi misinga yemituna ya mubili yebutokwa ne i bulailwe. Mi dokota ali, “Haiba uka pila fateni yoo, haana kuzamaya fateni.” Ka muhau wa Mulimu, u sebeza zazi ni zazi, inza pahama fa lika kaufela. Mulimu ubile yomunde ku yena kakuli ki muuna yomunde, mi lwa mu lata. Mi luna, halu—halu linto kamukana . . .

<sup>6</sup> Haiba lupila hande, seo ha si talusi kuli lu ilile matata. Kaniti, si talusa matata kaufela a talimile luna mwa nzila zaluna. “Kakuli matata ki amañata atahela ya lukile, kono Mulimu u mu lamulela ku ona kaufela.” Yeo kona kalulo yetabisa.

<sup>7</sup> Kacwalo lu ka kupa fela tapelo yabutokwa feela kakusasana cwana, ya Muzwale Roy. Ha ni zibi haiba kuna ni yomukana mo, yaliteni, yatabela ku lapelelwa, ya tabela kuhupulwa mwa linzwi la tapelo? Haiba ba ka nanula fela mazoho abona. Ku lukile. Ki hande. Halu yemeñi fela fa nako nyana, haiba mwakona, halunze lu lapela.

<sup>8</sup> Mulena, lutile kacenu, kwa makalelo a sabata. Mi lizazi se li sikuluhile cwale, kusila lifasi, kwa kutisa liseli ni bupilo kwa lika ze tomezwi kuba cwalo. Mi kwa smakalelo a sebelezo, yeo luli mwa siemba sa Keleke ya Hao, ye bizelizwe kubatani kwa lisebelezo za foliso, foliso ya mubili wa nama, ku taleleza litakazo ni zebatiwa za Mulena luna ya fuyozwi Yana holofalezi bumaswe bwaluna, mi ka miupa ya Hae ne lu folisizwe, mi lukona kukupa, kwa makalelo a sebelezo, sina ha i kalisa kubatani cwalo, mwa lipina, mi lipilu zaluna likala kunanuhela mwahalimu, kuli lukone kuhupula, kakusasana cwana, Mulena, muzwale waluna, yomunde, Roy Roberson, mutanga Hao ya ishuwile. Mi lu ziba kuli No pilisize bupilo bwa hae kwa sibaka sa ndwa, mi Ubile yomunde ku yena. Mi kacenu u nyandiswa ki butuku, kuli upalelwa kutaha kwa keleke.

<sup>9</sup> Mi, Mulena, ha ne basweli kulapela mwa ndu ya Joani wa Mareka, nekuna ni Lingeloi le ne litulukile kukena mwa ndu ya tolongo, koo Pitrosi na tamilwe mwa butanga, teñi kwani akwalula sikwalo, ka makazo, ni ku zwiseza fande.

<sup>10</sup> O Muená, Wena u sali Mulimu niteñi. Mangeloi ani asali asali mwa taelo ya Hao kakusasana cwana. Lwa lapela, Mulena, kuli halunze lu lapela mwa ndu ya Mulimu cwana, kuli Mangeloi aye kwani kwa ndu ya Muzwale Roberson. Takazo ya hae ki kuli abe kwa sibaka sa hae, kono maziyezi kona a mubitezi fafasi. Mi cwale Mangeloi a Mulimu amu lamulele, a mu folise, kuli ange sibaka sa hae hape mwa ndu ya Mulimu.

<sup>11</sup> Kuna ni babañwi hape ba ba fitile mwa matata, babile—babile bakula. Mi luboni musali ya sa hulile, hanali fela bukaufi ni kuina fa sipula sa hae, ananula mazoho ahae, hana sweli kupañata fa kuyema. U tile kwa ndu ya Mulimu, ku to foliswa. Lumeleza, Mulena, kuli u kazwela fande inza zamaya, ka mata a bunca bwa musizana yomunyinyani.

<sup>12</sup> Babañwi kaufela baba nanuzi mazoho abona, buñata bwabona bananuhile, kakuli kuñozwi, mi sina ha se libulezwi kale kuli, “Manyando a ya lukile ki amañata, kono Mulimu u mulamulela ku ona kaufela.” Ha lu fufefe kwahule kacenu kukena mwa tumelo, mwa mazoho a tumelo, ye ka lu lamulela

kwa matata kaufela ni makulano. Mi sebelezo ha se ifelile, kusike kwaba niheba yomukana mwahali ku luna.

<sup>13</sup> Lumeleza, Mulena, kuli kaufela ya si ka lumela kale abe mulumeli. Mi halunze lu nahanisisa fa Linzwi la Hao, Moya o Kenile ha u Li nge ni ku Li beya mwa lipilu zaluna, mi teŋi mwani Li selaelwe kufitela Li ba muselo wa Linzwi. Lu ezeze se, Mulena, halunze lu inamisa litho zaluna ni ku kupa ka Libizo la Jesu. Amen.

Mwa kona kuina.

<sup>14</sup> Lusika kena kale mwa liŋusa la sebelezo ya kakusasana cwana, Ni tabela kuutwa maikuto amina, fa nako nyana. Haiba kuna ni yomuŋwi wa mina yana ni malobalo, mi utabela kutaha ku iliŋwi ya lisebelezo ze kaba mwa Middletown, Ohio, kukala la Mubulo, ki sunda, yekaba kwa libaka za mafulo.

<sup>15</sup> Kana wa ziba libizo la sibaka sa mafulo ani, Gene? [Muzwale Gene uli, “Baize ki limaili ze twelufu kuzwa mwa Middletown.”—Mu.] Muzwale Sullivan. Middletown ki muleneŋi omunyinyani, Ni sepa uswana sina Jeffersonville kwanu. Ki sibaka sa lipapali za basketball. Muzwale Sullivan ki yena mulisana wa keleke kwani. Ifi kaufela ya likeleke za ba Full Gospel, ko kuna ni sikisite-bukana za bulikani bwa mukopano wo, ba ka mibulelela ko kufumaneha libaka zani.

<sup>16</sup> Mi ku kaba libaka zeŋata za malobalo mwa sibaka, kona mo Ni bulelezwi, kuli lutokomele sicaba se si ka tabela kutaha. Mi mikopano i ka kalisa la Mubulo ku yo punya la Pelekelo, ki mazazi a silezi. Mi haina kuba la Sunda, bakeŋisa likeleke zeŋwi, kuli ba yo ba ni lisebelezo zabona za kamita. Mwendu, ikaba lisebelezo za foliso, kamba kulapelela bakuli, busihu ni busihu. Mi mutu kaufela u memilwe. Mi zeo li ka kalisa la 10 Muyana, ku yo punya la 15, la Mubulo ku yo punya la Pelekelo. Mi haiba muna ni malobalo, mi—mi mube ni libaka za malobalo a mina lilukisizwe hande, mi mubata kuli mube ni zeo ka nzila yeŋwi, kihande, lu ka tabela luli kuba ni mina.

<sup>17</sup> Ni ka susueza hape kaufela ba ba si ka kolobezwa ka kolobezo ya Bukreste, kuli ba siyalele kakusasana cwana ni kunahana sinyu. Mi baitukiseleze sebelezo ya kolobezo yetatama mwendi mwa mizuzu ye mashumi ka yeketalizoho cwale, Na sepa. Zeo likaba mo mwa keleke.

<sup>18</sup> Lu yema ka mahutu kususueza sicaba ku kolobezwa ka kolobezo ya Bukreste, ka kuziba kuli ki nto ya butokwa kwa puluso. Kakuli ne ku ŋozwi ki Mulena a luna, taezo ya Hae ya mafelelezo, taezo ya Hae ya mafelelezo kwa Keleke. Kamba, sina mwa Na laelezi Keleke, lwa mafelelezo, Na ize, “Mu ye cwale mwa lifasi kaufela, mu kutaze Evangeli kwa libupiwa kaufela. Ya lumela mi a kolobezwa u ka piliswa.” Konakuli lu ziba kuli ki kwa butokwa kuli lu kolobezwe ka kucimbekiwa.

<sup>19</sup> Mi lu ka tabela ku fa sebelezo ye ku mina, ku mutu kaufela ya kolwisisa mwa pilu kuli Jesy Krete ki Mwana a Mulimu, kuli Na shwezi kupilisa baezalibi, mi wena no li alimuñwi yo Na swezi kuli apilise; mi utabela kutaha ku to kolobezwa ka Libizo la Jesu Krete kwa swalelo ya libi za hao; unzo bulela, kwa lifasi, kuli u lumela kuli libi za hao li swalezwi, ni kuli cwale uba mulutiwa wa Mulena Jesu, kuli unge mayemo a hao.

<sup>20</sup> Haiba hamuna keleke kwa kuya, lu ka taba kuba ni mina mwa sebelezo ni luna. Haluna ma membala kwanu. Ki tabernakele ye kwaluhile, kwa Mubili kaufela wa Krete, kwa kopano ifi kaufela. Lu yema sina kopano ya silundwamanji. Mi lu kwalulela minyako kwa batu kaufela, hakuna taba kamba ki bomañi, mubala, lusika, kamba tumelo, mañi ni mañi mu amuhezwi. “Ya lata kaufela, a tahe.” Mi haiba hamuna keleke ni yekana, lu ka tabela kuli mutahe fela mi mukopane ni luna. Hakuna za kuikopanya. Mukene fela mwahali minyako i sa kwaluha fela, ni ku to kopana ni luna. Kona fela ze mu tokwa; kutaha fela ona cwalo. Mutahe ka lipilu ze kwaluhile, mubeye maheta a mina kwa liwili, ni kulutusa halunze lu liba kwapili bakeñisa Mubuso wa Mulimu. Kakuli, lu lumela kuli hola, se ili bukaufi, kuli kaufela ze ne bulezwi ki Bibehe ha se li ka talelezwa.

<sup>21</sup> Hakuna ku kakanya kono babañata ba mina mubalile likande la Khrushchev, ka za U.N., zazi leliñwi, mo ne i bulelezwi kuna mwa mutende wa Canada, ka mulikani. Na ize, “Haiba kuna ni Mulimu, U libelezi fela kufiyela ni kukenisa tempele kacenu, hamoho ni mina baza sifumu samina, sina mwa Na ezelize kwa simuluho.” Kacwalo he mwakona kubala mwahala mibamba, “U libelezi kufiyela ni kusinyeleza tempele hape.” Mi sihulu, ya talima kaza muinelo wa lika uka bulela nto yecwalo? Nana ni sesiñwi, nihakuli cwalo. Yeo ki niti. Neli bañi ba sifumu, kwa simuluho, bene ba tisize butata. Luna lu na ni sifumu.

<sup>22</sup> Ne ni utwile mulatiwa waluna, mulisana yomunde, Muzwale Neville, ha bulela ka za mazimumwangala a . . . kamba neli manzwi kaza silimba, kakusasana omuñwi, kuli ze ne kutakezi fela fa ni fa, mwa munahano waka. Ha ni koni fela kulibala zateni. Ne ni li bulelezi ku mulikana ka, maabani busihu. Mi sani neli kuli, kuti ku kaba . . . Kasamulaho wa kuzwisa fateni Moya o Kenile, kuzwa mwa lifasi, bulapeli bwa keleke ya sihalihali bwani bu ka zwelapili ona cwalo, kusina kuziba shutano. Kana mukile mwa ba, kikuli . . . Ki ba bakai baba utwile zeo? [Kopano ili, “Amen.”—Mu.] Kana ne li sa tabisi zeo? Ha ba zibi Moya o Kenile, kona kuli habana kuziba ko U ka ya, mi ba ka zwelapili ona cwalo ka kuswana feela. Foo wa mafelelezo ha sa swailwe mwa Mubili wa Krete, bakana bazwelapili ona cwalo, inge balika kutisa Teñi baba baka, kakuli ha ba zibi kuli Nto mañi. Mi ni bulapeli bwabona bwa sihalihali bu ka zwelapili ona cwalo mo ne bubelanga. Cwale, hakulata halikoni kunwela hande ku

mina sina mo ne li utwahalezi kuna, kono yani luli neli pulelo ye komokisa kuna. Kuli, ba kaba kwahule hahulu, babe fela mwa sizo sa za bulapeli, kufitela batokwa kumbwinja Moya o Kenile, kakuli ha ba zibi seo uli Sona, ka kukala.

<sup>23</sup> Mulimu u lu utwele butuku. Muzwale, Ni tabela kupila mwa bupilo bo, ni takazo, kufitela mane niheba bunyinyani bwa kufilikana kwa Hae, Ni ka li ziba mwa pilu yaka. Ni lukela kueza sesiŋwi se si ka Mu filikanya, Ne ni ka kona kuutwa cwalo fa nako nyana.

<sup>24</sup> Lu sa buleli, kubasiyo kwa Hae; Ha ni lati kuba fa nako yasiyo Yena fa. Ni ka lata kuba siyo ka nako yeo, eeni, sha, kakuli hakuna kuba Mali fa sipula sa sishemo. Ku kaba lififi ni musi ni ku unsufala. Sibaka se si kenile hasina kuba ni Muyemeli kwani, ku yo lu kupela kwateni ka nako yani. Mwa ziba kuli Maŋolo abulela ona cwalo? Sihalaleho ne si tushana feela musi. Nekusina Mali fa sipula sa sishemo, ka nako yeo seli katulo.

<sup>25</sup> Haiba Mulena cwale, nako yeŋwi ka kuitahanela kwa litabula le, alufe masihu nyana a acafazo, Ni ikupulezi fela zona mwa pilu, Ni bata ku swala Buka ya Sinulo yani, kuba ni tuto ka yona, ku shetumuka hande mwa Buka ya Sinulo yani, ka zona.

<sup>26</sup> Cwale, kacenu, Ni ziba kuli kuna ni babaŋata babataha, ku to lapelelwa. Mi ofisi yaka ne i kwalilwe kacenu, kamba biki yee. Mi batu babaŋwi ne ba tile, bene basina kolo ya kulapelelwa, kwande kwani, bakeŋisa kuli bashimani ne ba zwile fateni, ka musihali kaufela kamba cwalo, ku yo pumula. Bana ni musebezi omutuna wa kueza; musebezi wa bona cwale, hamoho cwalo ni musebezi wa tabernakele, ni lipizo za mawaile aka ni zeŋwi kaufela. Cwanoŋu li ku beya mwa makateŋi luli. Mi kacwalo he kona libaka leo. Ni ziba Ni na ni kuya kokuŋwi, fa ni fa, ni kueza nto yeŋwi ye shutani, mi Ni ziba kuli nibona, bana ni zecwalo. Kacwalo, ne ba ni bizize. Na li, “Ni sepa kuli ikaba fela hande.” Mi lu ka lapelela bakuli, fa nako nyana.

<sup>27</sup> Mi Ni hupuzi kuli lu bale kwateni amaŋwi kuzwa mwa Linzwi la Mulimu. Haiba muna ni Bibeke yamina cwale, ha lu apuleŋi mwa Buka ya Isaya. Ni tabela kumibona ha mu nga Buka ya mina ni ku I bala. Na bala. . . Haiba ha ki linzwi fela kamba amabeli a Manzwi o lu ka bala, niteŋi, Ki Linzwi la Mulimu Lelisashwi la Kamita. Halina ku fela. Kauhanyo ya 55 ya Isaya, tuto, “Puloso ya kamita.”

*Mina, kaufela ba ba shwile linyolwa, a mu te kwa mezi, ni yena yasina mali; a mu te, muitekele, mi mu ce; ni mina, a mute, mu itekele veine. . . ni mabisi mu si na mali ku si na tifo.*

*Mu sinyezaŋi mali amina ku ze si buhobe? mi mu ikatalezaŋi ze sa kulisi? A mu ni teezeze, mi ku ka ca zende, moya wa mina u table ze nunile.*

*Mu sikeke lizebe, mi mu ta kuna: muteeleze, mi moya wa mina u ka pila; mi Ni ka iswala ni mina bulikani bo bu sina kufela, mane bwa Davida bwa ku mi tiisa ka makeke.*

<sup>28</sup> Ni tabela ku ambola ku mina, fa nako nyana feela, fa tuto yakuli: *Kusina Mashelaeni Kamba Kusina Teko.*

<sup>29</sup> Kuna ni lika zeñata hahulu ze katulusa mwa mazazi aluna. Kuna ni zeñata hahulu ze shemaeta sicaba ze lukona kubiza “minyaka,” mi ki za batu kaufela, mwa lilimo kaufela.

<sup>30</sup> Kuna ni ze shemaeta babanca, mubinelo wa kacenu ni mikiti ya bo rock-ni-roll, ni lipina ze banani ze zamaelela ni zona. Mi kaufela awa za shemaeta luli, kwa kukatuluha.

<sup>31</sup> Hanina taba kamba mwana u hulezi mwa lapa lelinde lelicwani, ni mwa lutezwi kueza zende kuba mwana zwezi; haiba mwana yoo ha si ka amuhela kutwisiso ya Kupepwa sinca, lipina za rock-ni-roll li ka byangula maikuto a hae kapili fela a sa li utwa feela. Kakuli, ku yena, mwahali ku yena ka mwa pepezwi, ka sibupeho, kuna ni moya wa nama. Mi mata a diabulosi ki amatuna luna, kacenu, kufitela aswala moya wa mwana yomunyinyani yoo.

<sup>32</sup> Mi cwale u ka eza zekuma kai ku yomuhulu, kanti, ya hanile Kupepwa sinca! Kakuli, ki foo feela bupilo bwa hao habu cincizwe, mi u fetuhile ni kupepwa sinca, kutaha mwa Mubuso wa Mulimu, sibupeho sa hao sikana si ba sa lika za lifasi, hakuna taba kamba u wa bulapeli cwani, konji haiba seo si cincizwe kuwena. Wakona kulapela ni kuba wa bulapeli, kono niteñi zeo li kaba ni mata amañwi a ku hoha, kakuli mutu wa kale wa sibi yoo ni litakazo za hae ha li si ka shwa kale ku wena.

<sup>33</sup> Kono u sa lumeleza fela kuli Kreste ange lubona mwa pilu ya hao, lika zeo halina ku ku bilaeza. Ki nto yetuna luli.

<sup>34</sup> Hanikoni kupunda libizo la muuna yani, kakuli ha Ni sa hupula libizo la hae cwale, kono buñata bwa mina mu ka mu hupula. Na bulezi kuli nekuna ni sooli kone kuyanga baana, ku yo bandamena, mi basali bazwela fande, inge baopela. Mi lipina za bona ne li nani kalembeshwa maswe, kuli bafuluhi, ba lisepe, ne ba taha. Mi cwale masole baba bandamena neba—neba swala bafuluhi bani ba sa zibi, ni ku ba bulaya. Mi muuna yomuñwi ya kutekeha na bata kufita. Mi mufuluhi wa hae a mutamelela kwa musumo, mi—mi—mi ni ku mukenya sika mwahanu, kuli asike ahuwa; mi—mi amu tiba mwa lizebe, kuli asike a utwa, ni kufuluha kuya ni yena, kuli asike autwa. Mi basali ba taha cwalo, inge ba bina ni—ni kuhuwa, ni kuopela, mi, oh, neli nto yesabisa luli, kuli mane afetula litalo za hae fa lizoho fokutinela waci, inza huweleza kwa bafuluhi ba hae, “Amu tahe! Amu tahe!” Kono ne ba sa mu utwi, ne ba beilwe bulota mwa lizebe.

<sup>35</sup> Mi ayo silela kwa sibaka sisili ko ne ba lukela ku yo apula ba hae, kamba, kutamulula mazoho a hae, mi na swanela kuzwisa

litibiso zeo mwa lizebe zabona. Kwani, hana zamaya mwa nzila, autwa muopeli ya na zwile hahulu mubano kulo kwani, kuli ha yo fita hape, ba li, “Oh, muzamayi yomutuna, lu ku tame kwa musumo hape?”

<sup>36</sup> Ki hali, “Batili, a mu ni tamulule feela. Ni utwile nto yeŋwi yetuna luli, kuli mane zeo halina ku ni bilaeza ni hanyinyani.”

<sup>37</sup> Kona mo kuinezi ku Mukreste ya pepilwe sinca. U fumani nto yeŋwi yende kufita za rock-ni-roll ni ze tabisa za lifasi lee. U tabiswa ki Moya o Kenile. Ki omunde hahulu, kufitela mane lifasi liba le li shwile ku yena.

<sup>38</sup> Kono ha muya kwa mikiti ye cipile ye, u lukela kuhupula kuli uswanela kulwala masheleŋi amaŋata. Mucaha ya isa musizani wa hae kwa mikiti yee ni kwa kubina, ni zeŋwi cwalo, u ka lifa masheleŋi amaŋata luli a lituwelo za hae mwa sunda. Mi batu baba hulile babalika kuyanga kwa mipanda ya zekola, kuti ba yo inwela maswabi abona a mwa sunda, ba ka tokwa kulifa mali amaŋata. Mi banga sikamaŋi mwateni? Hakuna ze ba fumana mwateni konji feela matuku a pilu.

<sup>39</sup> Mi muhupule, u lukela ku yo ikalabela fapila Mulimu zazi leliŋwi ka zeo. “Mi mupuzo wa sibi ki lifu.” Hakuna so ipumanela mwa lifasi moo, ka zeo. Ki sepo ya buhata. Kunwa ku ka ekeza fela maswabi. Sibi si ka ekeza fela lifu fahalimwa lifu. Buino bwa hao bwa mafelelezo ikaba kauhanoni Mulimu, Kuyakuile, kukena mwa Lisa la Mulilo. Mi hakuna so kona kuipumanela, kono fela ku luza.

<sup>40</sup> Kipeto Mulimu wataha u to buza puzo, “Kiŋi zo sinyeza mali a hao kwa lika ze sa kulisi? Kiŋi zo ezeza ze cwalo?”

<sup>41</sup> Kiŋi ze tiseza mutu kueza cwalo? U sinya kaufela za nani, kaufela za holanga, kwa kuleka ze kola, kutinisa musali yomuŋwi ya zamaya ni yena, kamba munyaka omuŋwi wa mufuta wa lifasi.

<sup>42</sup> Kono lu bulelelwa mwa Biblele, mi lu memiwa kutaha ku Mulimu, “Ni ku to leka tabo ya Kuyakuile ni Bupilo bwa Kuyakuile, kusina masheleŋi kamba kusina teko.”

<sup>43</sup> Lika ze halikoni ku kulisa, mi mafelelezo a zona ki lifu la Kuyakuile. Kono li ka ku sinyeza mali amaŋata okona ku ipumanela, fakuli u be muika—muika ŋumbili kamba ya tabisa fela, kamba mushimani wa lisheha, kamba kaufela so kona kuba sona, kamba musizana ya zibahala hahulu, kamba sifdi kaufela. Lika tanda mali kaufela onani hamoho, fakuli ueze cwalo. Kutina mwa liapalo zefeza luli, mi—mi ni kueza lika ze lieza lifasi, kwanda ku yo kutula fela mupuzo wa katulo Yesafeli.

<sup>44</sup> Mulimu naize, cwale, “Kiŋi?” Lu ka eza sikamaŋi ka Lizazi la Katulo, ha lu ta yo buziwa, kuli kiŋi ha ne luezize cwalo? Kalabo yaluna ikayoba cwani? Kalabo ikayoba ye cwani ku America ya kacenu, ya ipulela kuli ki naha ya Bukreste? Mi kuna

ni masheleñi amañata hahulu asinyehela ku ze kola, ka mwaha cwalo, kufita ze sinyehela kwa lico. “Kiñi ze mu sinyeza mali kwa lika zecwalo zeo?” Ibo, muuso wakona ku ku luma kwa tolongo, ka madollar a ketalizoho a mitelo yo ne mulumezi mwendi kwa muyaho omuñwi o no si ka lukisezwa kuamuhela mitelo, kuluma bahasanyi ba linzwi kwabuse bwa mawate. Lu ta yo buziwa zazi leliñwi, “Kiñi so no ezelize cwalo?”

<sup>45</sup> Lu naha ya Bukreste, mi ma bilioni a lumiwa kwa batu bani kulo kwani, kuli lu lika kuleka bulikani bwa bona. Cwale basweli ba li hana. Ki kabakaleo Khrushchev naize, “Haiba kuna ni Mulimu, Uka to kenisa muleneñi wa Hae hape.” Mahedeni bakona kubulela litaba zecwalo, kuli ba lu apese maswabi. Ha ki taba kwa bukuba ni yeo! Mi lu ipiza kuli lu Bakreste.

<sup>46</sup> Mulimu naize, “Amutahe, muitekele Bupilo Bobusafeli, kusina masheleñi, kusina teko.” Bupilo, ku yo pila kamita, mi lu sikulululela mikokoto yaluna ku Zona ni kuseha inge lu Mu taliuimezi. Lu ka yo eza cwani ka Lizazi lani? Ku ka yo ba cwani...?

<sup>47</sup> Haiba Mulimu u lufa za kueza, ni ku lufa masheleñi, ni ku lueza naha yefumile hahulu mwatasi a lihalimu, mi Mulimu uka yo buza, ze ne lu ezelize cwalo. Kiñi ze lu sinyeza mali kwa lika ze sa kuliso zeo? Isiñi fela kwa naha, kono zeo likaba ku mañi ni mañi; kuzwa kwa masheleñi, kuisa ma milioni a madollar, mañi ni mañi aka yo fiwa.

<sup>48</sup> Mi batu ha ba bulayana: Ne ni balile kalulo yeñwi nako nyana yefitile, koo bashimani bababeli ne ba beleka mwa mafulo a kuzuma. Alimuñwi nana ni bana ba ketalizoho, yomuñwi nana ni bababeli. Mi alimuñwi wabona nana ni kuzusiwa fa musebezi. Mi alimuñwi wa bashimani bani yana nani bana bababeli, kamba bana ba ketalizoho, autwa kuli na lukela kubeleka hahulu kufita yana bile ni bana bababeli; mi ayo zuma ni yena, mi a mu kunupa mwa mukokoto.

<sup>49</sup> Masheleñi, wani kona naha ya mufuta wateni, ao kona maikuto ateni, wani kona mufuta wa moya o hatelela batu.

<sup>50</sup> Kipeto mwakona kubona butokwa bwa Kupepwa sinca mo bu lukela kubela. “U swanezi kupepwa sinca.” Ku lukela kuba ona cwalo. “Amutahe ku Na, mi muiketetele kusina masheleñi.”

<sup>51</sup> Ha u koni kubulela kuli, “Ne ni sina masheleñi.” Ha u tokwi masheleñi ni amakana. Li fiwa feela.

<sup>52</sup> Luna ma American lu twaezi hahulu kulifela lika kaufela. Kona manzwi a luna. “Lu lifela lika. Lu na ni masheleñi.” Lu hasanyeza fela madollar aluna kwa linaha zeñwi, ni zeñwi cwalo, ze botanile. Lwakena mwateni, mwabona bo sibuhabuhi bataha, mwa mafufa ni kubonahala hande. Ma American ba bafa zona. Lika zani ki ze masila mwa meto a Mulimu. Zeo halina



kuleka nzila yaluna kuya kwa Lihalimu. Kono lika kaufela mwa America, lu swanela kulifa linzila zaluna.

53 U ya kwa restiranti mi u yo icela lico za hao. Mi ha u sa beyi masheleŋi fa tafule, kuli ubize weta yani, kubanga liŋonde le li ka fwiŋana mwa pata, ha sa lifilwe ki kampani ko abeleka. Mi zeo kihande libe ka ma pesenti a lishumi, kamba kufitelela, tifo ya hao. Haiba ha u ezi cwalo, weta yani uka ku talima kuba mutu ya itusisanga tushelēni totunyinyani fela twa—twa muikunyandela. Kanti, u holanga kapene kakatuna luli. Ni sepa kuli ki bumaswe ni maswabisa, kueza cwalo. Ni sepa kuli ki katulo yemaswe fa naha. Ne kubanga, batu babande, libaka zende, ze ne sa lumelezi zeo. Kono kaufela li ka kutela mwa moya ulimuŋwi.

54 Ne ni ya fa musipili, ka sitima. Mi mubeleki yani. . . Neni na ni kaputumende mwa lizoho leliŋwi, ni sipaupau ku leliŋwi, ni ka kotana nyana ka tubemba inge ni pakatile, mi ne ni zamaya. Mubeleki yani ataha cwalo, ali, “Ni ku shimbele kona?”

55 Na li, “Oh, Ni libile fela fa sitima sani, muŋaka. Ni itumezi, hahulu luli.” Neli fela fakau fi, oh, mwendi liŋokolwa ze mashumi amalalu.

56 Mi ali, “Ni ka ka shimba,” mi ki hanga kakotana kani ni kuka lwala, azwelapili cwalo.

57 Kihande, ha yo taha cwalo, Na hupula kuli mwendi Ne. . . Ne ni ziba kuli na holanga, kono Ne ni ka mufa fela ka—ka licika la dollar. Luli nana ni libyana, libyana zaka, mwendi lubulele, kuli, fa muzuzu fela; butelele fela inge kwa mafelelezo a tabernakele ye, fa na ilo fita fa sitima. Na yo pahama fa sitima, pili, mi nafita fela ni kukena. Na mufa licika la dollar.

Ki hali, “Libelela hanyinyani!”

Na li, “Ki nto maŋi, sha?”

Ki hali, “Ni ku shimbezi mikotana ye milalu esi!”

Na li, “Eeni, sha, ki niti. Kiŋi, kibatata maŋi?”

58 Ki hali, “Tifo yaka ki twenti-faifi ma senti fa mukotana. U sa ni kolotezi ma senti a twenti-faifi hape.”

Mwabona, boo ki bu American, lika kaufela lina ni ku lifelwa.

59 Ha u zamaisa mota ya hao mi iwela mwa musima, mi ukupa kuli mutu aku zuseze yona. Kihande u itukise kulifa, kakuli ba ka ku lifisa ka zona. Haiba ya natile mota ya hao wa kunga, u ka kulifisa *hahulu* fa maili cwalo. Mi haiba mulimi, linako ze naini ku ze lishumi, uya ni tirakita ya hae fande, ikaba bumaswe hahulu kufita foo.

60 U lukela kulifela kaufela zo baya kuli li ezahale. Lika kaufela ki “Lifa! Masheleŋi! Lifa! Masheleŋi!”

61 Kono he ki musima omutuna cwani o si ku kashelize mwateni sibi! Kimañi yakona ku ku zwisa mwa musima wa sibi? Kono Mulimu u ku zwisa mwa musima wa sibi, kusina masheleñi, kusina teko, ha ku sina yakona ku ku zwisa mwateni.

62 Haiba u sa lifi masheleñi amañata luli ya kuhohela mota ya hao, uka inelela mwa musima. U swanela kuba ni masheleñi kamba uka inelela mwa musima.

63 Kono musima omaswe hahulu okile wa wela kuona, ki wani wa na ku kenyize diabulosi mwateni, musima wa sibi ni ku sa lumela. Mulimu ka kulata kwa hae u ka zusa mwateni, kusina masheleñi, kusina teko. Mi kanti wena u lobala mwa musima, usweli fela ku yubaula sibi, mane hakuna neba ku Mu biza.

64 Ha u biza ya ka kuhoha mwateni, hañata ba beyanga liwenge lelituna mwa musima, ku litama fa sipi kamba fokuñwi cwalo, ni kukala ku koboca. Mi kipeto mata a mota akalisa kuhoha, kipeto mishini ikala kusebeza, ni ku kuhohela fande.

65 Mulimu ha ku fumana mwa musima wa sibi, mi u utwa u nzo Mu biza, U ka luma liwenge lene li tatelizwe fa Kalvari, lilato la Mulimu, ni ku li comeka mwa pilu ya hao, ni kubeya mwateni Mata a Moya o Kenile mwani, kuli akale kuhoha. Mi hakuna tifo yo lukela kuba ni yona. Kanti mane lu itulelanga fela mwa musima kakuli halukoni kulifa ka lipokoto zaluna. Luna ma American lu nahana kuli lwakona kulifa ka lipokoto zaluna, kono hamukoni. Ki kulifa kusina masheleñi kamba kusina teko. Ha u lifi kwa kekeke. Jesu na lifile fa Kalvari. Kono batu ba Li swabela. Ba Li bata ka nzila yabona feela. Mulimu una ni nzila ya kuli u Li amuhele kayona, mi Ki mahala haiba uka Li amuhela.

66 Hañata, ha ba kuhoha kuzwa mwa musima, uka falauha, una ni kuya, kwa sipatela. Mi ba si ka kalisa ku ku tusa, nto iliñwi isika ezahala kale, ba buzanga, “Kimañi ya ka lifa litifo? Halu ka ku tama fa litombo, ha lu ka sela fateni oli, ni ku kutaba lindonga za—za ku ku alafa kwa sifanu mwa mali, ki silelezo yekuma kai yo nani yeka ku lifela zeo?” Ba si ka eza kale nto iliñwi, kuna ni kuba masheleñi fa tafule.

67 Kono cwale Mulena aluna ha beya liwenge la Hae la lilato kwa pilu ya hao, ni ku kuhoha kuzwa mwa musima wa sibi, U folisa pilu ye lobehile kaufela, u zwisa mwateni sibi kaufela. Mi sikoloti si bewa mwa liwate la kulibala, hakusana ku hupulwa zeo ka wena. “Amute, kusina masheleñi kamba kusina teko.” Hakuna taba kamba u pazauhile cwani, mo bezi ni mafanunuti, mo lu ezelize lubasi lwa hao, kamba so ezize wena, hakuna sikoloti ku zeo. U folisa matuku a kulobeha lipilu, uzwisa maswabi a hao kaufela. “Na holofalezi lifoso za luna, a titikelwa bumaswe bwa luna; koto ye lufumani kozo ka yona neili fahalimwa Hae; mi ka miupa ya Hae ne lu folisizwe.” Kaufela ki za mahala.

68 Mi haluna ku I amuhela, kakuli lu busiwa ka moya o maswe. Lu busiwa ki moya wa naha, moya wa lifasi, kufita kubusiwa ka Moya wa Mulimu, ona Moya o Kenile, o lu zamaisa ni ku luisa mwa Niti kaufela, ni kueza Bibeke kuba cwalo.

69 Nako yeŋwi ya kale, Ne ni ambola ni ya sa lumeli za bumulimu. Ki hali, “Munahane fateni, Bo. Branham. Matata a bupilo a kaufela, mi nto inosi fela ye lunani, yakuli lu piliswe, ki miŋolo yeŋwi ya Sijuda.”

70 “Oh,” Na li, “muŋaka, zeo ikona kuba fela zonani, kono Na ninani zetuna kufita zeo. Ni na ni Moya wa Yana I ņozi, o Ipaka ni ku I eza cwalo, sepiso kamukana.” Na sa zibi mwa kungela zeo.

71 Mwabona, mu swanela kuataha ku to leka kusina masheleŋi, muleke kusina teko. Hakuna teko yeliteni ku zona. Ki mahala kuba “yo kaufela ya lata, ha tahe.” Mulimu u ku hoha kuzwa mwa musima.

72 Sina muuna fa munyako o bizwa Bunde. Na wezi mwa musima, kuzwa mwa mba ya mahe, ka diabulosi ya na mu beile mwa buyanga bwa mahutu. Linzila za hae za kuipilisa ka zona neli kukupelela kwa batu babafita. Mi ha na inzi cwalo fa munyako kakusasana wani, abona bakutazi bababeli ba pentekota inge bataha. Basina neba pene ni yekana, kakuli na bulezi kuli, “Silivera ha Ni na yona.” Mi kapene ka dime ki silivera yenyinyani. “Silivera ni gauda ha Ni na zona.”

73 Ni sepa kuli muuna yani na hupuzi nto ye cwana. “Hakuna tuso ya kuba ni komoki yaka.” Mwendu na lika kubuluka masheleŋi kuli abe amaŋata. Nana ni myaha ye mashumi amane ya kupepwa, mi mwendi nasweli kubuluka masheleŋi amaŋata cwalo, ba alafi neba ka mu lekisa milamu, ya kuzamaela, kakuli, yena, mwa lingongo za hae kona mwa na fokola. Mi mwendi na lukela kuba ni masheleŋi, a ku libelela mwa mukoloko, baalafi ba si ka mu fa kale tuso. Mi kaniti hakuna tuso ya kuli ananulele komoki ya hae kwa bakutazi ba pentekota bani bene basina sesiŋwi. Kolo, bona bani . . . nebali babotana luli, kuli bafumane kapene kwa batu bani.

74 Kono ha yo ba talima kwa lifateho! Alimuŋwi, yanali fela mucaha yomunca; yomuŋwi kwateni, na hulile ni maŋonde; sina Joani. . . sina Pitrosi ni Joani ha ne baya kwa munyako. A bona nto yeŋwi ku muuna wa mucaha yani. Fo kikuli, za kuswaba neli zetuna kufita ze zibahala. A bona mwatasi a maŋonde ni pabalelo, lizazi la kwa Galilea lene li babuzi muyambi yani mwa pata, ne li “tabo yesa konwi kubulelwa, ni kanya yetezi.” A bona nto yeŋwi ye ne bonahala kushutana nyana.

75 Mwa ziba, kuna nto yeŋwi ka Bukreste, ye bonahalisanga batu kushutana. Ki bona batu babande hahulu mwa lifasi kaufela.

Mi anga komoki ya hae ni ku i futula.

76 Mi muapositola Pitrosi, kakuba yomuhulu, ali, “Silivera ni gauda ha Ni na zona.” Ka manzwi amañwi, “Ha ni koni ku kutusa, kuli uleke milamu yeo. Silivera ni gauda ha Ni na yona, konji ze Ni nani!” Na swanela kuleka ku Yena yanani linosi ni tabo ya veine ya puluso. Kona ha na sa tile fela, mazazi amabeli kamba amalalu lani li si ka fita kale, kuzwa kwa Pentekota, kone ku ezahalezi sesiñwi.

77 Mi mutangana yani atula ka “amen” yetuna ku zona, mi a mutalima kwa sifateho.

78 Kiñi ze ne ezahalile? Liwenge la sishemo sani, makeke a Hae ana bulezi kuli, “Ni na ni makeke kwa bakuli,” ona Moya o sana wani no bile teñi mwa pilu ya muuna muhulu wa muyambi. Ki hali, “Kuya kwa neku la masheleñi, Hanina ni a makana, kono Nina ni sesiñwi se si ka nga sibaka ka linako zekona kueza ma milioni. Zeo kona ze Ni nani!”

79 Cwale muhupule, Pitrosi neli Mujuda, mi ba lata mali, kuya fela ka mobainezi, kono Mujuda yoo na sa bakile. Isiñi kuli, “Ze Ni nani, Na ku lekisa.”

80 Kono, “Ze Ni nani, Na ku fa zona! Ze Ni nani! Hanina sheleñi ni yekana mwa pokoto yaka. Ha ni koni kuleka sinkwa. Ha ni koni kuleka sika. Hanina neba ka lubandangoti. Kono haiba wakona ku amuhela, ze Ni nani, Ni ka kufa sona kakuli ne ni filwe sona.” Kona ze lu tokwa. “Ze ni Nani, Na kufa zona.”

“Kiñi so nani, muñaka?”

81 “Ne ile ku Yena ya lekisa mabisi ni linosi, kusina teko. Ni ka kufa Zona. Hakuna so ni kolotezi ka Zona. Haiba wakona ku Li amuhela, Ni ka kufa Zona. Isi ka kuba mutu ya kulifisa, kono ki ya kufa fela.”

82 Kakuli, “Mo mu amuhelezi kusina tifo, mufane kusina tifo.” Ibile tumo ya Mulena a hae, neli fela mazazi amalalu zani lisika fita kale. “Muye mwa lifasi kaufela, mukutaze Evangeli. Ya lumela mi a kolobezwa uka piliswa; mi ya sa lumeli uka beiwa mulatu. Lisupo ze li ka ya ni baba lumela: Ka Libizo la Ka ba ka leleka mioya; ba ka bulela ka lipuo lisili; haba ka nwa sifanu se si kola, hasina ku batiseza kozi; ha ba ka swala linoha, halina ku ba tiseza bumaswe. Mo mu fezwi fela kusina tifo, mufane fela.” Mujuda yani na sa cincizwe. [Muzwale Branham ungongota fa katala hane—Mu.]

83 Se lutokwa mwa America ki cincheo, ya Moya o Kenile kuli inge sibaka sa lizo zeñwi za bulapeli. “Mo mu fezwi fela kusina tifo, ni mina mifane feela.”

84 “Ze Ni nani, Na ku fa zona: Ka Libizo la Jesu Krete wa Nazareta, yema u zamaye”; tumelo mwa Libizo lani lelisika zwakana la Mubupi! Ki kabakaleo naile inza cuñuta ni tulaka ni kulumbeka Mulimu!

<sup>85</sup> Oh, kana mwa ziba lika zetuna, mwendi nainzi fa ka myaha ye mashumi amane, inza lika kupanga masheleŋi akuli aleke milamu, kono apalelwa. Kono ona mwa sibaka se si sa kulubelwi cwalo, ni ka nako ye ne sa kulubelwi, mi ni kwa batu bene ba sa ba kulubelwi, niheba hanyinyani, A amuhela za na bata. Ni tabile hahulu kuli Mulimu uezanga ona cwalo ka nzila yeo.

<sup>86</sup> Ni sikwata nyana, sa batu babanyinyani baba bizwa bapikuluhi ba bakenile busihu bwani, Na fumana sene Ni bata, seo masheleŋi na sa koni kuleka. Mwa sikwata sa litimbi, baba si ka ituta, batu baba si ka apala hande, Batu babansu, ka kukala, kwahule kafoo mwa sitebule nyana sa kale, fa fasi, Na fumana teko, licwe la butokwa; yomunsu yani ha to ni talima kwa sifateho, mi ki hali, “Kana u amuhezi Moya o Kenile kuzwa ha u lumela?” Oh, Ne li yona taba luli yene Ni bata. Ne ni si ka libelela ku li fumana mwahala sicaba, kono nebana ni se ne Ni sina.

<sup>87</sup> Ba U.N. kacenu, nebasike ba amuhela ze ne lunani, kono zeo kona ze ba tokwa. Khrushchev, babaŋwi bani kaufela, batokwa Kreste, mwa kolobezo ya Moya o Kenile. I ka cinca mubonelo wa bona. U ka bupa baana, bo ba toile, kuba mizwale. U ka zwisa buitati mwateni, ni piluseta ni lindwa; ni kubeya lilato ni tabo, ni kozo, bunde ni sishemo.

<sup>88</sup> Eeni, mwa libaka ze sa kulubelwi, fokuŋwi mane kona ko ka fumana zo sweli kubata.

<sup>89</sup> Zeo bana ba Isilaele ne ba ka fa (za bufumu kaufela bwa Egepita) milomo yabona hane ilota mali, malimi abona ha na lepelela mwa mulomo wa bona? Ne ba kafa gauda kaufela yene ba ikungezi kwa ma Egepita, ka mezi fela abata a kunwa. Bazamaisi babona mwa lihalaupa ne baba zamaisize kuzwa siliba se kuya kwa siliba sesiŋwi, kuzwa kwa lisima kuya kwa liweluwelu, kono kaufela zona za omelela.

<sup>90</sup> Mi kwa taha, kusina masheleŋi kamba kusina teko! Linzwi la bulela ku mupolofita mi la li, “Bubela kwa licwe,” sika se si omelezi hahulu mwa lihalaupa, se si kwahule hule maswe ni mezi. Kona kwani linyolwa la bona la feliswa, kusina masheleŋi kamba kusina teko. “Bulela kwa licwe.” Isiŋi kuli lifa mali kwa licwe, kono “bulela kwa kwa licwe.”

<sup>91</sup> U sa li Licwe busihu boo. Ki yena Licwe mwa naha ye omile. Haiba u zamaya mwa naha ye omile yeo, bulela kwa Licwe. Usike wa ikataza ku Mu lifa; bulela ku Yena. Mi Yena ki tuso yefumaneha luli mwa linako za matata. Haiba wa kula, bulela kwa Licwe. Haiba u kula butuku bwa sibi, bulela kwa Licwe. Haiba u katezi, bulela kwa Licwe.

<sup>92</sup> Mwabona, ne ku bonahala inge ikona kuba kai ni kai. . . Ne i bonahala inge, haiba nekusina mezi kwani mwa libaka nyana zani mo ne kuna ni maweluwelu, nekusike kwa ba mezi fahalimu fa lilundu lani, mwa licwe. Mulimu ezanga lika ze shutani nyana

ku za nahana mutu. Licwe, sibaka se si omelezi hahulu mwa lihalaupa, kono Na ize, “Bulela kwa Licwe.”

<sup>93</sup> Kacenu, sicaba si pumilwe hahulu. Ba nahana kuli haiba bakona kuyo peta litapelo zabona, kulifa muprisita yomuñwi ka ku ba petela litapelo, balifa masheleñi kuli bakene. Hane ba ka yaha keleke yetuna kokuñwi, mi muuna yomuñwi wa mufumi na katusa kulifa mali ka zona, bazwelepili kupila mwa takazo, kuli kube ni ya ka ba lapelela kwateni, u nahana kuli kona cwalo. Mulimu halati masheleñi a hao a masila. [Muzwale Branham ungonogota fa katala linako zetalu—Mu.] Kamukana bata Yena ki kuipa kwa hao ni bupilo bwa Hao kuambola ku Yena. Mulimu u ku file masheleñi, usike wa a sinyeza kwa lika ze sa kulisi. I tusise ona kwa lika ze kulisa. Kwa kutisa kukuliswa ko kutezi, haukoni kuba ni zona konji ha u so bulezi kwa Licwe.

<sup>94</sup> Atisa mezi a fa bupilo, kusina masheleñi kamba kusina teko. Mi ba nwa, ni likamele za bona za nwa, ni bana ba bona ba nwa, mi isali liweluwelu le li buba mwa lihalaupa.

<sup>95</sup> Mi ona cwalo ki Mwa bezi Licwe kacenu, mwa naha ye omelezi ye, kwa sicaba se si shwa see. “Kaufela ya lumela ku Yena haana kushwa, kono abe ni Bupilo Bobusafeli.”

<sup>96</sup> Mulemuhe. Busihu ni busihu, ne ba sa bilaeli za sinkwa. Sinkwa sa bona sa tiswa kubona, busihu ni busihu, se si nca.

<sup>97</sup> Luye kacenu lu yo ikungela siemba sa sinkwa. Haiba u mukupeleli, mi utaha kwanu kwa sintolo, mi ali, “Ni lakaza siemba sa sinkwa.”

<sup>98</sup> Na ka bulela kuli, “Ni bonise, pili, kalulo ya hao. Ni lukela kuba ni ma senti a twenti-faifi a sinkwa se.”

<sup>99</sup> Mi ki sikamañi so nani hauna ni sona? Se si zwile hanyinyani mwa sibaka, kono una ni se si nyinyani hahulu ku zekona kuzwa kwa buloto. Ba zwisa mwateni kaufela za—za mavitameni mwateni, ni muluku kaufela, ni ku ufa likulube. Ba kopanya mezi ni muluku hamoho, ni ku sefa handende, ni kulubisa liñende la sinkwa, se si lubilwe ka mazoho, a masila, linako zeñata. Mwabona ze mufumananga mwa sinkwa sa mina, nako yeñwi, milili mwateni, ni lika ze nyenyisa, ni lipeba zeshwile, ni lika zeñwi kaufela ze welanga mwa libesezo la linkwa lani. Batu ba sibi ni matuku a sihule, ni lika kaufela, kona ba basweli kuluba mañende a linkwa. Haiba mu li bona liezizwe, mane hamukoni niheba kuicela lona. Mi, ibo, ulifa ma senti a twenti-faifi kamba hauna ku fiwa sona.

<sup>100</sup> Mi Mulimu aba fepa busihu ni busihu, ka sinkwa se si ezizwe ka mazoho a Mangeloi; kusina masheleñi, kusina teko. Mi, kacenu, sinkwa sani ne si yemela Krete, Bupilo bwa moya, bobu zwile mwa Lihalimu, kufa Bupilo bwa Hae.

101 Mi Mulimu afa bana ba Hae, zazi ni zazi, kutwisiso yenca. Mwa hupula, ha ne ba buluka sinkwa sani kufita habusa, ne li shasha.

102 Mu utwa ya bulela kuli, “Kihande, Ni nani . . . Na ku bulelela. Ni wa Lutheran. Ni wa Presbyterian, Baptist. Ni wa Pentekota,” sani ki sinkwa fela se si ezizwe ka mazoho a nama. Kona fela zeliteni mwateni, ka masila fela, ni kuezziwa ka mazoho a batu.

103 Kono ha u utwa kutwisiso ya bupaki, bobunca, “Kakusasana cwana, mwa tapelo, Moya o Kenile wa kolobeza moyo waka sinca,” oh, muzwale, zeo kona Linco za Mangeloi. U ba fepa zenca, zazi ni zazi, zezwa kwa Lihalimu.

Pula za lithono kona ze lutokwa.  
Milupi ni nundupula za lu nela kabunolo,  
Kono lu kupa ka tiisezo pula zeo.

104 Oh, eni, i lume kuzwa kwa Lihalimu, yenca, Mulena, Krete Sinkwa sa Bupilo. Aku Si kenye mwa pilu ya ka, mi nikonise ku ikola Kubateni kwa Hae kokutuna.

105 Luli, ne ba itumezi. Ne ba bile ni buitumelo. Mi muuna kaufela kamba musali ya pepilwe ka Moya wa Mulimu, ni kuamuhela Moya o Kenile, ukana aba ya itumela. Hakuna taba ka ze ezahala, u ka ba ya itumela.

106 Inge mushimani yomunyinyani wa sibofu yanali kwa malundu ani, Benny yomunyinyani, ya na pepilwe. Mwendu wa likweli ze eiti za kupepwa, tuale twa kalisa kubonahala fa meto a hae. Bashemi ba hae neli babotana. Ne ba pila kwa tuko ni lilundu la lizupa. Mi ne ba ziba kuli kupazuliwa kwani ne ku ka tusa meto a Benny yomunyinyani yani, kuli akone kubona. Fa cwale ne li mushimani mwendi wa lilimo ze twelufu za kupepwa. Bashemi ba hae neba fumananga fela ze likana busunso ni buhobe kihona mwa silimo mutumbi. Ne ba sa kwanisi mali a ku yo mu pazulisa.

107 Bomuyaha tuko kaufela, hamoho, ne ba bona Benny yomunyinyani inza bapala ni banana babañwi fande, inge ali sibofu. Na sa boni za na eza. Ne ba mu utwela makeke. Mi mañi ni mañi, mwaha wani, abuluka kwateni kutulo nyana. Ba ikataza kufitelela tikanyo mwa lizazi. Mi cwale lico ha li yo lekiswa mwa nako ya litabula, ba isa masheleñi ni kubeya Benny yomunyinyani fa sitima, ni ku muisa ku dokota.

108 Ba yo mu pazula handende kusina butata. Mi ha yo kuta, bomuyaha tuko kaufela ba kopana nako ya tuluka Benny yomunyinyani mwa sitima. Twiito twa hae, twa benya. Akala kuhuwa ni kulila, ha na ba talima fa lifateho.

109 Alimuñwi wa batusi ba mucaindisi ali, “Mwana ke, ki ba kuezize bukai ka kupazuliwa koo?”

<sup>110</sup> Ki hali, “Muñaka, Ha ni zibi kuli batu ba basinyehenzi ki bukai. Kono Ni tabile hahulu kuli Na ba bona kwa lifateho, baba lifile tifo yee.”

<sup>111</sup> Kona mo lu ikutwelanga cwalo. Ha ni zibi kuli Mulimu na sinyize bukai ka Zona. Ni ziba kuli U ni file zende ku za Na luwile, Mwana Hae. Kono Ni itumezi hahulu kuba ni meto a moya aa, kuli Na kona kutalima kwa sifateho sa Hae ni kuziba kuli Na ni shwezi. Ha ni zibi kuli Na sinyehenzi bukai ka Zona. Hakuna mo lukona ku akaleza ka zona. Teko ki yetuna hahulu. Ha ni koni ku mi bulelela mo li inezi. Kono Na i tumela. Ni itumezi, kuli, nako yeñwi ne Ni li sibofu, kono cwale Na bona.

<sup>112</sup> Ni itumezi kuli ba Mayo Brothers ha ne ba ni bulelela kuli nako yaka ifelile, ma dokota hane ba ni bulelezi kuli Ne ni si ke napila hape, myaha ye twenti-faifi kwa mulaho, Na pila kacenu. Ha ni zibi kuli Mulimu na sinyehenzi bukai, kono Ni itumezi Na pila.

<sup>113</sup> Nako yeñwi Nenili muezalibi, ya tamilwe mwa sibi, ni matata a pilu, nilibile kwa lifu. Kono, kacenu, lifu kona ku koma kwa ka. Haleluya! Li kona fela ku ni tisa fa Pila Hae yena yo Ni lata, kuli Ni talime sifateho sa Hae. A cinca taba yateni, ka kupazuliwa, A nga pilu yaka ni kuieza yenca. Ni ziba kuli sesiñwi sa ezahala ku na.

<sup>114</sup> Mwa mutende omuñwi litabula lelifelile, mwa Minnesota, nekuna ni mushimani yomuñwi yana pamuzi njinga ya hae ni kuya kwa keleke kakusasana omuñwi, kwa sikolo sa la Sunda. Mushimani yomuñwi mwa libaka za fa kaufi, nasina taba ni za sikolo sa la Sunda, anga mulikana hae wa musizana mi ba yo bapala za makatulo a mawili. Mi muuna yani na hulile, mi ayo kena mwa litwa lelinyinanyi ni kuwa. Na sehile mushimani yomuninyinanyi yani kakusasana wani yana ile mwa nzila, a bulelela mulikana hae wa musizana, ali, “Bani ki sikwata sa bafitelezi ba tumelo babaya kwa keleke yani.” Mi ha yo wela mwa litwa mwani, musizana wa hae nali kwahule ni yena. Na li ya bubebe; yena nainzi kusili. Kono ha yo nata mazoho a hae mwa litwa, a omelela, ni kulobala fa litwa.

<sup>115</sup> Musizana wa hae alika ku mu swala, kono na li ya bukiti hahulu, na ka lobeha mwa litwa lani. A mu huweleza, “Kuta! Kuta! U ka to wela mwahali, mi lu ka tiba kaufela luna.” A huwa, a lila, mi hakuna ya na mu tusize.

<sup>116</sup> Kasamulaho nyana, fahalimwa lilundu, kwa taha kanjinga, inge ka cobywa, neli mushimani nyana ni Bibebe ya hae mwatasi a liñafwa. Na utwile sililo, mi ki ha akufisa njinga ya hae. Alula Bibebe ya hae fafasi, ni kumata fa litwa lani. A hohaba ka mba ya hae, ni litino za hae ze kenile atinile, mane ayo swala mazoho a muuna yani, ni kukalisa ku muhohela mwahali, konji mane a yo mu zwisa mwa litwa. Amata ku yo yemisa mota. Ba biza ambulasi mi ya mu shimba kuya kwa sipatela.



117 Kasamulaho a yo lifa ambulasi, alifa ma dokota ka lindonga za katabi ni zeŋwi za na lukela kunwa, ataha ku mushimani yani. Ki hali, “Mwana ke, Ni ku kolotezi bukai?”

Ki hali, “Hakuna.”

118 Ki hali, “Ni ku kolotezi bupilo bwa ka.” Mu nahane fateni. Masheleŋi nasike alifa zeo. Neli bupilo bwa hae.

119 Kona mo lu swanela ku utwela fapila Mulimu. Ha ki kuleka nzila yaluna ku sesiŋwi; kono lu kolotezi Mulimu bupilo bwaluna, kakuli ne lu shwa ni kunwela mwa musima wa sibi. Mulimu ato ni beya mazoho a Hae ni kubo.

Ne ni tiba mwatasi a sibi,  
Kwahule hule ni likamba,  
Neni nwezi mwatasi luli mwahali,  
Kutiba kusina ku zuha;  
Kono Muŋa a liwate  
Autwa kulila kwaka,  
Kuzwa mwa mezi a ni nanula,  
Cwale Ni iketile.

120 Cwale Ni Mu kolotezi bupilo bwaka. U Mu kolotezi bupilo bwa hao. U Mu kolotezi bupilo bwa hao, ku Mu sebeleza; isiŋi ku bufa, kuzamaya ni kuitumba ka keleke ya kopano ya henu; isiŋi kuzamaya inge u nyaza babaŋwi; kono kulika kusebeza ni kupilisa babaŋwi, ni ku ba tisa kwa zibo ya Mulena Jesu Kreste.

121 Mwana wa litaswa. Ka kukwala, Ni bata kubulela cwana. Ha na sinyize buswa bwa hae kaufela, buswa bwa ndatahe, ka kupila mwa buhule, mi ha na kutela kwa hae. . . Na lobezi mwa mulaka wa likulube, mi ato itetulula. Mi ki hali, “Ki ba bakai batanga, ba nani ndate, babaca ni kusiya zeŋwi, kanti na kwanu Ni bulaiwa ki kutokwa.” Kucwani ha na lika kubulela kuli, “Hani zibi haiba Nina ni masheleŋi nyana Ne ni ka lifa bondate (ze Ni sinyize mwa kumatamata) ni zona?” Kono na ziba bupilo bwa bo ndatahe, mi ki hali, “Ni ka yema ni ye ku ndate.”

122 Ndatahe na si ka bulela kuli, “Libelela fa muzuzu, mwana ke! Kana wa ni tiseza masheleŋi?” Batili. Na si ka mu lifisa ka libi za hae. Na tabezi kuli wa taha. Na tabezi kakuli na i tetuluzi, kakuli na li mwana hae. Na li mwana hae luli. Na tabezi na li mwa musipili wa hae kukuta kwa hae. Cwale, na si ka lumeleza sibi sa hae, kono na tabile ha itetulula ni kubulela kuli, “Ni foselize Mulimu, ni fapila ndate. Ni ka yema ni ye kuyena.”

123 Mi ha yo mubona, asali fahule, a mu matela ku yo mu tubeta. Mi ki hali, “Amu bulaye namani yekima,” kusina masheleŋi. “Amu tise kubo yende,” kusina masheleŋi. “Amu tise lisale,” kusina masheleŋi, “mu mubeye lona kwa munwana. Ha lu ceŋi, lunwe, mi lu tabe, kakuli yena mwana ke yo na latehile kono cwale u fumanwi. Na shwile, mi wa pila hape. Ha lu tabeŋi ka zona.”

<sup>124</sup> Haluboneñi Ni bulele cwana, balikani, ka kukwala. Nto inosi fela ye katulusa, lika za niti fela zeliteni, linto zende fela ku ze liteni, ha li koni kulekiwa ka masheleñi. Ki limpo za mahala za Mulimu, ka Jesu Kreste: puluso ya moyo; tabo. Amutahe lu ce, mi mu kuliswe.

*Mu sinyezañi mali amina ku ze si buhobe? mi mu ikatalezañi ze sa kulisi? A mu ni teezeze, mi ku ka ca . . . zende, moya wa mina u tabele ze nunile.*

*Mu sikeke lizebe, mi mu te ku na: muteezeze, mi moya wa mina u ka pila; mi Ni ka iswala ni mina bulikani bo bu sina kufela, mane bwa Davida bwa ku mi tiisa ka makeke.*

<sup>125</sup> Kamukana zeina kamita, kamukana zeli zende, kamukana ze tabisa, kamukana zeli za Kuyakuile, ki za mahala, mi hakuna tifo yo lukela kusinyehelwa fateni. Kwa mafelezo a miñolo ya Buka ye, ku izwe, “Ya lata kutaha kaufela, a tahe ainwe kwa Mezi a maweluwelu a Bupilo, mahala feela,” kusina masheleñi, kusina teko. Kiñi se mu sinyeza masheleñi ku ze sa kulisi, kanti lika ze kulisa, zona ki mahala, halitokwi ku babalelwa ki wena?

Halu lapeleni.

<sup>126</sup> Hamunze mu kutumani cwalo ni mwa tapelo, kana kuna ni mwa muyaho mo, kakusasana cwana, baba si ka nwa kale kwa Liweluwelu lani, kuli litakazo za lifasi li sa li mwa bupilo bwa hao, mi uyabela kucinca sibaka sa hao sa manwelo, kakusasana cwana, kamba libulukelo la hao la masheleñi? Utabela kutaha mi uleke ku Mulimu, (kusina masheleñi, kusina teko), linosi ni mabisi, tabo ya veine? Nanula lizoho la hao, uli, “Nihupule, Muzwale Branham, haunzo lapela”? Mulimu aku fuyole, muñaka. Mulimu aku fuyole, muñaka. Mulimu aku fuyole, kezeli. Kana kuna ni babañwi ba bakali, “Nihupule, Muzwale Branham, ha u nzo lapela”?

<sup>127</sup> Babañwi ba mina sicaba sa babanca, eehe, baba sinyize bupilo bwa mina. Li—li—li hola zeo bomaho neina mwa litapelo bakeñisa wena, ni bondate, lituto kaufela ze ne filwe ku wena, kono niteñi u li kashelize kwatuko, ku yo teezeza kushobota kwa diabulosi. Cwale usweli ku lakaza lipina za lifasi, lika za lifasi. Mi so taha cwale wa itetulula, inge mwana wa litaswa mwa mulaka wa likulube. Nanula lizoho la hao, kezeli, muzwale, ni kubulela kuli, “Mulimu, nihupule. Ni kutiseze munahano waka, kakusasana cwana, nikonise kutaha kwa ndu ya Ndate”? Ha si ku tandi mali ni amakana. U ku libezezi. Hakuna taba ka so ezize, “Libi za mina ni ha likaba sina lizuku, li kaba ze sweu sina litwa; lifubele sina mali, lika fetuha ze sweu sina booya bwa ngu.” Kana bwo babali mwa Kubateni kwa Hae, baba ka nanula mazoho abona?

<sup>128</sup> Bona ba ba kula ni baba tokwile, bali, “Ni—Ni wezi mwa musima. Satani uni—uni ezize lunya. U ni holofalize ni ku

ni kulisa, kamba nto yeŋwi. Na lakaza, kakusasana cwana, liwenge la tumelo ya Mulimu ku kena mwa pilu yaka, le li ka ni hoha kuzwa mwa musima mo, sina muuna fa munyako obizwa Bunde.” Munanule mazoho a mina. Mulimu ami fuyaule, maŋi ni maŋi wa mina kaufela.

<sup>129</sup> Mulena, Ni tisa ku Wena, hola ye, baba nanuzi mazoho abona, kwa swalelo ya libi za bona. Wena u Mulimu, mi Mulimu fela anosi. Ona fo bainzi cwale, kona fo Uambozi ku bona. Kona fo Uba koliselize kuli ba fosize, mi Linzwi ha li fumani sibaka sa Lona, ni Moya o Kenile ukalisa kubulela, kuli, “U fosize. Fetuha, ni kutaha hape ku Mulimu Ndate.” Mi ba nanuzi mazoho a bona, kubonisa kuli ne ba bata kuzwa mwa mulaka wa likulube wa lifasi wo, kutaha kwa ndu ya Ndate, ko kufumaneha zeŋata, ko ba si ke batokwa kutisa sika. Sina muloki ha bulezi hande, “Hakuna ze Ni tisa mwa mazoho aka, kono ka bunolo fela Ni kumalela kwa sifapan sa Hao.” Ha ba tahe, ha munati, ka kuishuwa, mi ba ikolwisize, ni kufa bupilo bwa bona. Mi Uka tisa kubo yende; ni lisale, ni ku litinisa kwa minwana yabona; ni ku ba fepa ka Manna ya Ngunyana ye tabilwe. Lumeleza cwalo, Mulena.

<sup>130</sup> Kuna ni baba kula ni kuziyeleha. Ba tokwile. Satani u ba nepezi mwa musima, hakuna ku kakanya, habana masheleŋi a ku yo pazuliwa. Hakuna ku kakanya, mwendi, buŋata bwa bona ha ba sika pazulwa. Mwendi mualafi na si ka zwisa butata, ni kwa nabile ni masheleŋi amaŋata cwalo. Kono Wena u Mulimu. Mi Ni lapela kuli yona hola luli yee, mwatasa tozo ya Moya o Kenile oliteni mo cwale, kuli U folise maŋi ni maŋi wa bona. Ha ba foliswe, kuzwa kwa toho kufita kwa mahutu a bona, siemba kaufela.

<sup>131</sup> Haiba habana tabo; puluso yabona, habakoni kuikola zona ni hanyinyani. Sina Davida ha na bulezi, wa kale kuli, “Kutisa tabo ya kupiliswa kwa ka.” Ha ba amuhele tabo ni nyakalalo, fo kuna ni sabo ni mukatala, kakuli Wena u Licwe mwa naha ye katezi. U sisabelo mwa nako ya liŋungwa. Foo diabulosi hasweli kuhona ni kutisa butuku kaufela ni lindalamiti kubona, Wena u sisabelo mwa nako ya liŋungwa. Ha kube cwalo, kacenu, Mulimu, kakuli lu kupa ka Libizo la Jesu. Amen.

Ka bunolo ni ka ku ishuwa Jesu wa biza,  
U biza wena, ni na;  
Ni ha lu fosize, Una ni makeke ukona  
kuswalela,  
Swalelo ya hao ni ya ka.

Taha kwa hae. . .

<sup>132</sup> Cwale, haiba u lakaza cwalo, taha kwa aletare mi ukubame fafasi, lwakona ku lapela ni wena, ku kutoza, kaufela selukona kueza. Mu amuhezwi.

. . . kukatala, taha kwa hae;  
 Ka musa, ka bunolo, Jesu wa biza,  
 Ubiza, Wena muezalibi, tahe kwa hae!

133 Kana mwa Mu lata? Teddy, lufe kwateni munembo, “Na Mu lata, Na Mu lata kakuli U ni latile pili.” Wakona kuliza yeo?

134 Ha lu i opeleñi kwa kanya ya Hae, lu si ka cinca kale buino bwa sebelezo, fa nako nyana feela. Ye ki milapelo. Liñusa li kutalizwe. Ni tabile hahulu kuli mu Li amuhezi. Mulapele kuli Li ka mi eza hande, kakuli li ni tusize ka ku Libulela. Ni lapela kuli susumezo yeswana yene ni filwe, ku Li bulela ku mina, mi Li amuhezi mwa susumezo yeswana ye Li filwe ka yona. Mi Mulena ha Li fuyole kwa lipilu za mina. Ku lukile.

Na Mu lata,

Cwale ha mu itime fela kwa meto, halunze lu opela. Lu nanule mazoho aluna.

Na Mu lata  
 Kakuli U ni latile  
 Ni kuleka puluso yaka  
 Fa Kalvari.

135 Cwale halu inamiseñi fela litho zalauna, lu i ñuñune. [Muzwale Branham ukala kuñuñuna kuli *Na Mu Lata*—Mu.] Mwa Mu lata? Ha ki waniti kwa lipilu za mina? Hanili kuna ni zeipitezi ka Yena, zeli za niti fela? Na Mu lata kakuli Uni latile pili, a sulula Bupilo fa Kalvari, abu tamelela kwa pilu yaka.

136 Musike mwa libala, Muzwale Drummond u ka lu kutaleza kwateni busihu kacenu, busihu bwa mulalelo. Haiba mwa mu lata Mulena, mutahe mu to ca mulalelo ni luna. Mulena ha lata, Ni kaba kwanu ni mina. Yani ki yena mukwenyana Muzwale Tony Zabel; Muzwale Thom yazwa kwa Africa; mwana hae, mushimani yomunde; yomunde nde luli, Mukreste ya tiile, mukutazi yomunyinyani yomunde.

Kakuli U ni latile  
 Ni kuleka puluso yaka  
 Fa Kalvari.

137 Halunze lu inamisize litho cwalo cwale, piano hainze i zwelapili.

138 Mulena Jesu, lu libelezi kukena sebelezo yeñwi, Mulena. Lu itumela ku Wena ka Moya o Kenile o bulezi kwa lipilu zaluna. Mi lu yabile, Mulena, kuli U luezelize taba yee. Mi cwale Linzwi la Hao lisike la kutela ku Wena mukungulu, kono Li pete se Li lumezwi kueza. Ha Li ine mwa lipilu zaluna kaufela, ka kuziba kuli lika zaniti kaufela ni zeina kamita lizwelela ku Mulimu, kusina mashelañi, kusiba teko. Kiñi he cwale ze luikataleza lika, ni kulieza mwa buino bwa bupilo ni lifu, ibo ki lika fela ze shwa? Ha lu ikatazeñi hahulu, Mulena, kwa lika ze si ke ku shwa, ze si

na teko. Teko yateni ilifilwe kale, mi lu memiwa kutaha, “Ya lata kuta kaufela, a tahe.”

<sup>139</sup> Fuyola likalulo ze sa taha za sebelezo yee. Lumeleza cwalo, Mulena. Mi kopana ni luna busihu boo. Fuyola sebelezo ya kolobezo. Ha kube kusuluha kokutuna luli. Mi sicaba se, se si ka kolobezwa ka Libizo la Mwana Hao ya latwa, yena Mulena Jesu, ha si taliswe ka Moya o Kenile. Mi sicaba se, se si nanuzi mazoho a sona, si bake, kakusasana cwana, kwa libi zasona, ha si tahe, batine mwa liapalo za kolobezo, mi bakene mwa lisa, ni kubonisa kwa lifasi kuli ba swalezwi libi zabona. Mi ba kolobezwa, kuli ba takulwe kuzwa mwa buka. Lumeleza cwalo, Mulena.

<sup>140</sup> Ba ni Muzwale Drummond busihu bo ha lu tiseza liŋusa, lelinca kuzwa kwa Lubona. Mu toze ka Moya o Kenile. Mi ube ni luna halunze lu ca mulalelo. Mi lipilu zaluna ha libe ze kenile ni kutokwa masila, kusike kwaba kusilafala ku luna. Mali a Jesu a lu kenise kwa sibi kaufela. Lumeleza cwalo, Mulena. Kasheza matuku kwahule ni luna, kono ulufe tabo ni kozo. Ka Jesu Kreste lwa kupa. Amen.

Na lata . . .

<sup>141</sup> Kikuli mwa Mu lata? Cwale amu nanulele mazoho a mina ku Yena.

Na Mu lata

Ka- . . .

Cwale amu lukuluhe mu swalane mazoho ni yomuŋwi yali fakaufi ni wena.

. . . pili . . .


(Russel, Na Mu lata. Haiba Ni shwa kacenu, Na Mu lata.)

Ni kuleka . . .

Yeo ki niti, amu lukuluhe ni kuswalana mwa mazoho.

. . . pulusi

Fa Kalvari . . .

Ku lukile, Muzwale Neville, ka linzwi la hae. Ku lukile. 

*KUSINA MASHELEŃI KAMBA KUSINA TEKO* LOZ59-0802  
(Without Money Or Without Price)

Liñusa le ka Muzwale William Marrion Branham, neli kotalizwe lwa pili mwa Sikuwa a Sunda kakusasana, Muyana 2, 1959, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)